

第一场

小恩：好嘢，我科科都攞到过 90 分！

同学 A：小恩，你好叻呀，科科都九十几分，我真系好羡慕你呀。

小恩：呵呵……其实都麻麻啫！

同学 B：仲话麻麻，今次数学咁难，你都攞到九十二分，你好犀利呀！

小恩：哈哈，你地过奖嘞！

同学 C：你真系要教吓我数学至得，我都好想攞到9 字头呀！

同学 B：我都要呀，你教吓我D 英文啦，我都想攞到高分呀！

同学 A：我就要你教我中文呀，我今次得果七十分咋！

小恩：好，好，咪大家研究吓嘍！（小恩正在陶醉中）

妈：小恩，你同我「躡」过嚟！

小恩：妈！

妈：我唔该你自己睇吓，你考 D 乜野成绩出嚟？

小恩：A~~~~其实都唔系咁差啫，科科都有9 字头啲……

妈：9 字头又点呀，9 字头好叻咩，9 字头系唔系可以做特首呀？

小恩：咁特首嘅民望都无 9 字头！

妈：你仲驳嘴啲，我要嘅系「过」95 分，唔该你可唔可以对自己要求高 D 架？你讲点解数学得92 分咁低？

小恩：今次好难呀，好似小强、小辉、小智，佢地都系得 70 几分咋

妈：你唔好同我攞 D 蠢同学嚟做比较，咁有无人攞到95 分或至以上？

小恩：AH……

妈：我问你有定无呀？

小恩：……有

妈：吓！咁有几多个呀？

小恩：两……两个。

妈：咩话！你仲话份卷难，咁点解有人可以攞到咁高分？你真系愈嚟愈曳，学人讲大话，我真系要打过你先得。

小恩：唔好呀！

同学 ABC：小恩！

同学 A：你真系我地班嘅高材生，有你呢个同学，我都觉得好光荣呀！

小恩：多谢！

妈：小恩！你正蠢猪，有你 D 咁嘅女，你叫我点样去见人呀？

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

小恩：妈！

ABC：小恩！

同学 C：如果我有你咁叻，我就唔驶成日俾人闹嘞。

小恩：……你亚妈都系想你好啫！

妈：小恩！如果你继续系咁，我就嚟俾你激死呀？

小恩：妈……我知错嘞！

ABC：小恩！

同学 B：如果我可以数学攞到八十分，我亚妈实开心死嘞！

小恩：我谗你终有一日实得嘅！

妈：小恩！喂，我对你唔系要求好过份啫，我都系要 95 分啫，咁耐以嚟，我都无要过你攞 100 分先！

小恩：知道嘞……妈，我谗我终有一日实得嘅！

同学 ABC：小恩！

同学 A：下星期日系我生日，我好想邀请你参加我个生日会，你会来嘛？

小恩：Ah……我会呀！

同学 A：好呀，咁到时见！拜拜！

小恩：拜拜！

妈：小恩，你听住呀，嚟紧嘅数学评估，如果唔过 95 分，我就cut 晒你 D 课外活动，乜嘢辩论队、话剧组，你唔驶旨意再参加。

小恩：吓，有无搞错呀！

妈：无搅错，如果过唔到 95，仲会扣一半零用钱，睇吓到时边个搅错！

小恩：吓！

妈：总知你就醒醒定定，考好 D 俾我睇！

小恩：唉！

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

第二场

(同学DEF 在玩耍)

同学D：喂小恩，重乜唔过来一齐玩呀？

同学E：系呀，最近见你好似好唔开心咁，究竟有乜嘢事呀？

小恩：唉！我要温习，准备过几日嘅数学评估呀！

同学D：你咁叻，实无问题啦！

小恩：你唔明架喇！

同学F：你唔讲清楚，我地又点会明呀！

小恩：我亚妈要我响紧嘅数学评估最少考到 95 分，如果唔系就会cut 晒我 D 课外活动，仲要扣一半零用钱。

同学E：哗！最少95分，咁你不如趁早退出晒D 课外活动喇。你要响果个杀人……王老师手上攞到 80 分都已经唔系咁易啦。

同学D：吓，咁你唔参加话剧组，咁学校剧节点算呀？

小恩：咁你咪反串做埋我嘅女主角啰！

同学D：咦~~~你好衰架，咁话人！

同学E：咁你勤力D 去温习咪得啰！

小恩：唉，你知唔知呀，我数学从来都无攞过 95 分，就算我几咁勤力，我相信我都无可能会有高分架喇！

同学D：无错呀，单单靠勤力，系唔可以攞到高分数架！

同学E：吓，咁即系重要点呀？

同学D：喺！中国人都有讲啦，勤力只系考试成功因素嘅第五位咋。

小恩：咁仲要做D 乜野呀？

(音乐：第四位)

同学D：就系要多做好事，积阴德，所谓：「好心有好报」。

小恩：真系？

同学E：当然系真，所以由而家开始，你要帮我地攞书包

同学D：做功课

同学F：同俾钱我地去买零食。

小恩：吓，系咪真架？

同学F：我地都唔想架，我地系帮紧你咋，记住「好心有好报」。

小恩：咁重有 D 乜呀？

(音乐：第三位)

同学E：风水。所谓风水就即系相地之术，系中国一门专门学问，绝对系有科学根据架。

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

同学F : 唔系发喻风!

同学 D : 亦唔系吹水!

小恩 : 咁我即系应该点做呀?

同学 F : 苏师父都讲过啦, 东南位有利读书。你将个书包向住呢度, 就会帮到考试架喇。

小恩 : 系唔系真架?

同学 D : 咁你都要试吓架喇。

同学 F : 重有呀, 有D 野系可以帮助增强风水力量架, 好似: 金鱼、镬、镜、植物、乌龟、鹤……

小恩 : 吓, 鹤? 我边度搵只鹤呀?

同学 F : 你唔驶搵晒咁多样嘢嘅, 究其执一两样放入书包就得架喇!

小恩 : 咁奇怪! 咁重有呢?

(音乐: 第二位)

同学D : 就系运气, 只要运气好, 十条mulit 都可以俾你撞中晒。好似带水晶、着红衫、红袜、用红笔袋、拜黄大仙、重有……、

其他 : 巴比

小恩 : 你唔系嘛?

同学 D : 唔得咩, 呢个系我嘅吉祥物, 我晚晚都揽住佢喇架。

小恩 : Ah……乜你咁重口味架, 咁重有呢?

同学 D : ……幸运星、金介指……呢D 都可以增加你嘅好运嘅。

同学 E : 我有计, 你评估果日底裤都着埋红……

小恩 : 咦, 我真系无你地咁变态呀!

同学 DEF: 哈哈

小恩 : 咁第一位呢?

(音乐: 第一位)

同学E : 就系命!

小恩 : 命??

同学 E : 系, 你数学攞唔到高分就因为你条命唔好。

小恩 : 即系点呀!

同学 F: 你亚爸亚妈D 数学叻唔叻架?

小恩 : 亚爸加减数都会计错, 亚妈就连一嘅乘数表都唔识背!

同学 D: 咁咪系啰, 佢地嘅磁墙就影响埋你D 数学成绩都麻麻啰! D 大人真系, 自己 D 成绩唔好, 重好意思要求 D 仔女成绩好, 真系厚颜无耻喇。

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

小恩：咁我应该点做呀？

同学 F：响呢段时间你要同佢地断绝关系。

小恩：吓，你要我离家出走。

同学 F：唔系，我地咁细个唔可以做D 咁嘅野架，呢D 野留返中学先做。你响呢段时间唔好同你父母听佢地讲野，唔好望佢，甚至唔好睬佢地，等你过咗评估先。

小恩：吓，咁得唔得架？

同学 E：紧系得啦！

同学 D：你做足晒呢D 野，今次数学评估想唔攞一百分都几难嘞！

小恩：真系？

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

第三场

主持：登登登，恭喜你地黄氏一家进入我地决战十秒钟嘅节目。

主持：而家系最后阶段，只要完成埋呢一关，你地就可以得到一百万。

相反，若果过唔到呢关，你地就会一无所有，咁你地搏唔搏？

黄家：搏！

主持：好，跟住嘅游戏就系……叠骰仔，就系要张呢三粒骰仔叠成一行就可以得到一百万嘞！咁呢个游戏你地谗住派边个家庭成员出嚟玩呀？

妈：等我出马！

哥：吓！亚妈，你掂唔掂架？

妈：用筷子叠起 D 骰仔，好易啫。放心啦，无问题嘅！

小恩：你要尽力！

爸：系呀，为咗果一百万，你一定要尽力呀！

妈：好！

主持：准备好未？

妈：准备好！Ah……对筷子呢？

主持：呀！无筷子嘅啫。系呀，唔记得话俾你知，你系唔可以用手掂 D 骰架。

妈：吓！

主持：十秒钟时间，祝你好运！

(播比赛音乐)

妈：Ah……我可唔可以用口架？

主持：啊……随便！

(播失败音乐)

主持：呵呵！对唔住，你失败咗，一百万就咁无咗嘞！真系好可惜呀！

妈：喂，咪住，跟本就无可能可以响十秒钟到做到。

主持：呵呵，系咩？咁就搵我地嘅示范员做一次俾你睇啦！示范员，唔该！

(示范员示范)

主持：喺，咁你无说话好讲啦，再见嘞！

爸：你有无搅错，有乜理由示范员都做到，你竟然做唔到架。

妈：咁我都唔想架！

哥：你究竟有无尽力架？

妈：我尽咗力嘞！

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

小恩：而家一百万无咗嘞，我问你点算。

妈：我尽咗力嘞！

小恩：你无尽力！

妈：我有尽力！

爸：无，你无尽力，你做唔到就即系无尽力。

妈：我真系尽咗力。

哥：你平时做乜都无尽力架啦，D 餸煮就得唔好食，屋企就执得唔整齐，衫又洗得唔干净，你做乜野都无尽力。

妈：收声！我讲多一次，我已经尽晒力。

爸哥恩：你无！

妈：有有有有，我有尽力。

(熄灯)

(亮灯，妈伏在桌上醒来)

妈：我尽咗力嘞！

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

第四场

妈：其实我系咪迫得小恩太紧呢？

咦！响度温书呀？

妈：温成点呀？听日评估有无信心攞95分呀？

妈：喂！同你讲野呀？你听唔到呀？

妈：你个衰女包，你做乜咁无礼貌呀？

妈：喂！

妈：喂！

妈：哼！

(妈生气地坐上梳化)

(妈拿薯片出来)

妈：小恩，你睇吓，系你最钟意嘅---薯唛薯片，你想唔想食呢？

妈：啊，你真系唔想食？佢地好好味架喎，唔……真系好味嘞！

妈：你做咩呀？而家系咪玩睇我唔到，定响度扮勤力呀？

妈：好，你有本事就以后唔好同我讲野啦！

(妈坐在梳化上想办法)

妈：唉哟！我个心突然好痛呀，我透唔到气，好辛苦呀！小恩，救我呀，我唔系讲笑呀，小恩，救我呀！救……救……救我……

(妈晕倒在地上，小恩走上前)

小恩：妈！妈！你起身啦，你无野嘛？喂！你起身啦！

小恩：喂！你快D起身啦，唔好玩呀！点算呀，亚妈死咗呀！屋企无大人响到……打电话，打电话通知亚爸先，电话呢？电话响边呀！

妈：小恩，我系鬼呀！

小恩：你有无搅错呀，而家好好玩呀！

妈：系呀，好好玩呀！呀，你唔系唔同我讲野架咩，呵呵，你输咗嘞。

小恩：你知唔知你咁样，好影响我温习架。

妈：欸，你又唔系第一次评估，点解咁紧张啫！

小恩：点解？你仲问我点解？系你要我攞95分，你估好容易架。

妈：咁你平时都攞九十几分啦，攞多一分两分，难你唔到架！我都系见

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

你咁紧张，同你轻松吓啫。好嘞！而家返去温习啦，唔驶劳气！

小恩：我就嚟俾你激死嘞！

(小恩忿怒地步入后台)

妈：小恩做乜呢？呢排古古怪怪咁。佢响学校一定系发生咗D 事，好，等我睇吓佢本手册先。

(妈检查小恩书包)

妈：吓！点解有只镬响度架？

(熄灯)

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

第五场

妈：最近小恩有D 唔妥啲!

爸：吓，佢有乜唔妥呀?

妈：佢以前最憎红色，最近成日着红衫红裤，好似全身布满鲜血咁，好恐怖呀!

妈：小恩一定系读书压力太大，痴咗线!

爸哥：你肯定?

(音乐大声)

哥：我都有见佢带水晶，重有搽埋红色脚甲油添，佢望住D 红色脚甲响度笑，佢笑果样好鬼异，好得人惊!

爸妈：真系?

(音乐大声)

爸：我见到佢响书包里面攞包金鱼同只镬出嚟，佢对住包金鱼，双眼充满住饥饿眼神，我相信佢一定系用只镬煮咗条金鱼嚟食。

妈哥：真系?

爸：实在太残忍嘞，我真系无办法睇落去。小恩一定系变咗杀人狂魔。

哥：呀! 唔好再讲落去，我无办法再听落去嘞!

(音乐大声)

哥：我见到佢拜偶像，佢对住 D 外貌凶恶嘅偶像跪拜，重口up up D 野……

爸妈：佢讲乜野呀?

哥：我听得唔系好清楚，好似系乜野…狗仔，又乜野…午安，我好心惊呀。

妈：仔呀，你唔好再讲嘞，你令到我都好惊呀，点解小恩会变成架!

吓，狗仔? 午安? 你谗清楚……系咪95 呀? 哎哟，系我错，一定系因为我迫小恩要攞到95 分嘞，搅到佢而家变成咁，一日最衰都

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

系我嘞，系我错。

爸：唔驶再讲嘞，我有咗结论。

妈哥：系乜嘢呀？

爸：小恩一定系撞邪！

妈哥：撞邪？

爸：我好肯定系！佢一定系借助邪灵嘅力量去搵好成绩，而家反过嚟比邪灵控制返。没办法嘞，我地要进入紧急状态！

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

第六场

小恩：今日终于完成评估，一身松散，可以做返个正常人嘞。

小恩：亚妈，我返嚟嘞！

爸：小恩！

小恩：咩事呀！

爸：你唔驶惊，有乜野事，屋企人都会支持你。

小恩：你讲乜野呀？评估考完啦！

爸：一阵你唔驶惊，我地做嘅所有野，都系为咗你好咋。

小恩：吓！我唔明你讲乜野嘞！

妈：小恩，你饮咗佢啦！特登整俾你。

小恩：吓！乜野嚟架？

妈：你唔好问，一啖饮咗佢啦！

小恩：Yuck! 咁难饮？吓！系血嚟架！你重乜俾D 血我饮呀？

妈：Err~~~~~鸡血补脑，你最近读书辛苦，饮咗对你有益呀！

小恩：我唔要呀！

(哥给小恩挂蒜头炼)

小恩：喂！你做乜挂D 蒜头响我身上？

哥：呀！~~~~~系今年最潮嘅韩国饰物，都几好睇呀。

小恩：系咩？

(爸打喳喳，妈洒米)

小恩：哗！吓死人咩？做乜事咁大声呀？

爸：呵呵……知你今日考完评估，咪大锣大鼓同你庆祝吓。

妈：系呀，无彩纸，咪洒米帮你庆祝嘍！

小恩：你地做乜野今日咁怪？

爸：吓，无野呀！小恩，你有无觉得身体有D 乜野改变呀？

小恩：无呀，咩改变呀！都唔知你地搅乜鬼。

妈：睇嚟只妖怪好厉害，呢D 普通野对付唔到佢。

爸：好，唯有出秘密武器。

妈：小恩，最近好多传染病，你有无注意个人卫生？

小恩：有呀！

妈：攞双手出嚟检查睇吓有无剪指甲？

小恩：吓？无端端重乜要检查指甲？

爸：叫你攞出嚟就攞出嚟啦，唔好问咁多。

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

(爸与哥用筷指夹小恩手指)

小恩：哎哟！你地重乜野呀，好痛呀！

爸：小恩，你唔驶惊，我地都系帮你，你俾D 污糟野搅呀。

小恩：乜野污糟嘢，你地快D 放手呀？

哥：你只衰鬼，好快D 出嚟啰喎，唔好再搅我细妹！

小恩：乜野呀，你地发咩神经呀！

爸：亚妈，系机会嘞，你重唔攞D 秘密武器出嚟啦！

妈：呀，系喎！(妈入后台)

小恩：你地好快D 放手，我好痛呀！

爸：呀女，我地都唔想架，为咗你好，我地没办法唔忍心D 啦。

妈：秘密武器出嚟！一、二……

小恩：停呀！呢D 系乜野嚟架？咁臭架？

妈：系童子尿，呢招一定有效架。

小恩：唔好呀！

(四人互相追赶，最后童子尿洒了出来)

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

第七场

小恩 : 吓, 我数学评做得79 分!

同学ABC : 小恩!

同学A : 点解今次数学评估咁失手呀, 得79 分!

小恩 : 唔~~我谗我太紧张嘞, 所以咪一时失手嘍。

同学B : 咁你会唔会俾亚妈闹架, 佢要你攞95 分啲!

小恩 : 唔知架, 咁今次又系考得差咗D, 就算俾亚妈闹, 都无法啦!

同学C : 呜~~~小恩

小恩 : 咁你又唔驶为我咁担心。

同学C : 唔系呀, 我今次数学得8 分咋, 实俾亚妈闹死嘞!

妈 : 小恩! 数学评估呢?

(小恩递上评估卷)

妈 : 吓! Ar.....都.....都唔错呀!

小恩 : 妈, 对唔住呀! 我尽咗力架嘞!

妈 : 无嘢呀, 咁你尽咗力咪得嘍! 考试系咁架啦!

小恩 : 咁你唔嬲我呀!

妈 : 仲敢咩!我意思系, 点会嬲你啲。最紧要系你有努力过嘛!

小恩 : 多谢亚妈, 我爱你!

妈 : 我都爱你! 不过.....

小恩 : 乜野呀?

妈 : 下次可唔可以再尽力多DD 咁dir dir, 攞个8 字头啦!

小恩 : um.....我试吓啦!

妈 : 乖女!

Po Leung Kuk WWCWD Fung Lee Pui Yiu Primary School

保良局西区妇女福利会冯李佩瑶小学

同学DEF : 小恩!

同学D : 听讲你数学评估得79分咋喎! 点解会咁架? 你有无做足我地教你嘅嘢呀?

同学E : 系嘍, 无理由唔得架, 应该掂架喎!

同学F : 你地两个自己都无咁做啦, 重响到点红点绿?

同学E : 咁我地无小恩咁大压力嘛, 哈, 你无分出个声教佢, 你出得最多添呀!

同学F : 你多D呀!

小恩 : 你地唔好嘈嘞, 其实唔紧要啦, 亚妈都无闹我!

同学F : 吓, 又会咁嘅?

小恩 : 系呀, 亚妈话我尽咗力就得嘞!

同学E : 喺, 你都唔好话我地教D野无用, 虽然就帮唔到你攞95分, 但系帮到你家宅平安, 和气生财, 而家咪无事嘍。

同学D : 小恩呀, 咁重系咪要我反串帮你做学校戏剧节嘅女主角呀?

小恩 : UM~~唔驶嘞, 套戏由我开始, 谢幕都应该要有我份嘅。Music!